



Von Reinicken Fuchs/

**R**einicken sprach zu Bellin fürbass:  
 Bellin ihr hört gestern wol/ daß  
 Ich dem König bald schreiben solt/  
 So ihr die Brieff mit nemmen wolt/  
 Werdt ihr groß danc verdienen damit.  
 Bellin sprach nun hab ich doch nit/  
 Darinn ich sie verwaren kundt/  
 Reinicken fand bald darzu ein fund/  
 Vnd sprach: Ich wil geben das stück  
 Haut/das da kam auß Braunen Ruck/  
 Darinn köndt ihr sie wol verwahrn/  
 Doch wöllt euch selber nicht gefahrn/  
 Die Brieff bey leib nicht brechen auff/  
 Denn es steht etwas groß darauff.  
 Damit gieng Reinicken bald hinein/  
 Nam Braunen Haut/vermacht darein  
 Des Lampen Haupt/vnd gabs Bellin/  
 Der nam das Bündel vnd gieng dahin.  
 Reinicken sprach mit worten fein:  
 Laßt euch die Brieff befolhen sein/  
 Das wirdt euch bringen grosse gnad/  
 Seigt an ihr habt auch raht vnd that  
 Zu solcher Schrift geben/die ist  
 Gemacht von grosser kunst vnd list.  
 Das wirdt den König wundern sehr/  
 Vnd euch denn lieben desto mehr.  
 Bellin macht sich bald auff die fahrt/  
 Vnd eilet fast gen Hofe wart/  
 Vmb mittag man ihn kommen sahe/  
 Zu stund der König zu ihm sahe/  
 Wo ist Reinicken/ich muß euch fragen/  
 Diewel jr seinen wall sack tragen/  
 Bellin sprach bald: Gnediger Herz/

Rein

217

215

221

211

226

206

266

166

316

116

Ende

Anfang